

詩

三峯集
一

高等法院附箋

三峯集 七冊 木板本

鄭道傳著

本書は十四卷の著

四(七)々重板刊の所より屢に載り経て又

附録、原村集の引用より見れば仁祖以後

刊行にシテ諸字本流行はあらず、一冊に

裏打の如く改定せられたる、増入あり、一冊に

三峯集序

文在天地間與斯道相消長道行於上文著於禮樂
政教之間道明於下文寓於簡編筆削之內故典謨
誓命之文剛定贊修之書其載道一也周衰道隱百
家並起各以其術鳴而文始病漢之司馬遷楊雄之
徒其言猶未醇雅及佛氏入中國斯文益病魏晉以
降榛塞無聞至唐韓子崇仁義闢異端以起八代之
衰宋興程朱之書出然後道學復明人知吾道之大
異端之非開示後學昭晰萬世吁盛矣哉吾東方雖
在海外爰自箕子八條之教俗尚廉恥文物之懿人

材之作伴擬中夏自是以來世崇文理設科取士一

遵華制熏陶化成垂數百年卿士大夫彬彬文學之

徒吾家文正公溥始以朱子四書立按立當作建

刊行勸進後學其甥益齋李文忠公師事親炙以倡

義理之學為世儒宗稼亭樵隱李仁復諸公從而興起

澹庵白公文闢異端尤力焉吾座主牧隱先生早承

家訓得齒辟雍以極正大精微之學既還儒士皆宗

之若圃隱鄭公陶隱李公三峯鄭公潘陽朴公耆茂

松尹公紹皆其升堂者也三峯與圃隱陶隱尤相親

善講論切磋益有所得常以訓後進闢異端為已任

其講詩書能以近言形容至理學名一聞卽曉其義
其闢異端能通其書先說其詳乃斥其非聽者皆服
是以執經從遊者填隘門巷嘗從學而登顯仕者比
肩而立雖武夫俗士聞其講說亶亶不厭浮屠之徒
亦有從而化者焉至於禮樂制度陰陽兵曆靡不精
曉祖八陣而成三十六變之譜約太乙而作七十二
局之圖能簡而盡世之名將術士皆善之然此皆先
生之餘事也先生節義甚高學術最精嘗以直言忤
宰相流南方者十年而其志不變功利之徒異端之
輩群欺衆詆而其守益堅先生可謂信道篤而不惑

者也先生著述有學者指南圖若干篇義理之精瞭然在目能盡前賢所未發雜題若干卷本於身心性命之德明於父子君臣之倫大而天地日月微而鳥獸草木理無不到言無不精王國辭命之文典雅得體古律之作襲魏晉追盛唐而理趣出乎雅頌質而理溫而淡誠無愧乎古人樂府小序刪繁亂削淫僻唯感發性情之正是錄嗚呼先生之文皆有補於名教非空言比也是其與道並流後世而不朽無疑矣雖生下國不得施其文於 皇朝盛世之典嘗奉使朝于京師浮遼海過齊魯詩文之作皆爲中國文士

所嘉賞是能以文鳴於一方頌揚其漸之化俾東人
歌於萬世與聖代治道之盛同垂罔極亦無疑也近
雖不才幸得與從遊之列以聞餘論又幸不鄙而命
之序故敢引於卷端奉翊大夫成均大司成進賢館
提學知製教權近序

三峯集凡例

一是集始刊於洪武丁丑重刊於成化丁未公之曾孫觀察使文炯跋其卷尾曰舊有板本散落不完在文炯時已如此今經屢百載宜其不傳也 當
于辛亥 命內閣購公遺集將梓行編褰殘缺殆不可讀攷其凡例則詩以雜詠錦南雜詠奉使錄分類文以雜題錦南雜題爲目然敘次多錯類例不明故別立標題詩以五七言文以疏箋書等目爲例各以類從並攷年紀先後無紊其不可攷者闕之舊本類例不可全削故詩文篇題下書以下

幾首某編以存本來面目文鑑以下俱是完書故

不為移動一字但刪其疊錄

如佛氏乞食辨疊錄於雜題中故刪正

一詩篇題下小序有公自識有後人追識自識者題下別行低一字大書追識者即其題下來註書

一詩集原刻是成獨谷石璘精選而權陽村近批點者重刻是鄭文炯增入合錄而無批者也今亦依原刻批點而精選中無批者就各篇題頭批以標之間有後人評釋而略採其一二餘不盡錄

一內閣抄本乃是全書而河活甫字銘及陣法等篇佚於抄本得之後孫分類收錄其佗詩文之散出

於諸書者蒐摭如千篇別為拾遺附於陣法篇下
淨土寺記 勅慰跋語積慶園中興碑學者指南
圖之屬文佚目存者列錄於編末而並書佚字古
人文集有是例故今從之

一抄本章段脫缺字句訛謬刊本亦頗不完最難攷
正其脫缺之可考者填補不可考者依舊本計行
數空之經國典中數處有之訛謬之無疑者釐改而原刻脫缺不填者
字句互異者書某本作某字集中諱避之字如元字避
高皇帝諱代皆仍之以原之類

一舊本詩文無論勝國 本朝凡於所尊敬處皆極

行書之一行或不滿二三字有乖簡編之體段故
事係勝國者皆連書關 本朝者皆隔一字

一詩文中字句事實人物當攷者略加註釋以按字
別之

一公之事實載於麗史本傳而頗疎略且不及本
朝故考史乘諸書敘其年紀輯其事蹟屬於附錄
而章段未必條註其書目其散見於稗乘雜錄者
亦多而語涉雌黃者並不收載

一前後敎告文字載於史乘本集者靡不採摭敘次
成編至於諸賢序文或并於卷首或附各篇之下

又輯詩文之屬於公者無論中朝我東彙成別錄
目以敘述並置諸卷末

一抄本總八編而板數多寡不均故從經濟文鑑例
分詩編及經國典以下諸編各爲上下卷並拾遺
附錄合爲十四編詳于總目

一知密直事成原揆等典法判書洪仲原祭鄭尚書
云敬文載集中當刪而姑附于末

三峯集總目

卷之一

賦

五言古詩

七言古詩

五言絕句

六言絕句

卷之二

七言絕句

五言律詩

七言律詩

詞

樂章

卷之三

疏

箋

書

啓

序

卷之四

記

說

題跋

傳

行狀

墓表

祭文

策題

銘

贊

卷之五

經濟文鑑上

卷之六

經濟文鑑下

卷之七

經國典上

卷之八

經國典下

卷之九

佛氏雜辨

卷之十

心氣理篇

心問天答

卷之十一

經濟文鑑別集上

卷之十二

經濟文鑑別集下

卷之十三

陣法

拾遺

卷之十四

附錄

三峯集卷之一目錄

賦

陽村賦

墨竹賦

梅川賦

五言古詩

關山月

古意二首

蓼谷

登三峯憶京都故舊

石灘

次古人步月詩韻效其體

遠遊歌

庚戌中秋之夕李順卿有吾自扶餘過于三峯

與之翫月別後却寄

秋夜二首

庭前菊

贈陽谷易師

病中懷三峯舊居

感興三首

送安定入京

感興

送盧判官

用李浩然

集

詩韻示同年康子野好文

聽子野琴用浩然韻示之

奉次廉東亭詩韻

寫陶詩

奉寄東亭

月夜奉懷東亭

次韻寄鄭達可夢周

奉次東亭詩韻

寄瑞峯寬上人

奉寄東亭

順興南亭送河大司成崙還京

送金先生落第南歸次阮嗣宗感懷韻

題秋興亭

效孟叅謀二首

嗚呼島吊田橫

竹所

題臥雲山人詩卷

題全典客字說卷中

送遼東使桑公

送國子典簿周先生俾還京

送行人段公還朝

送行人維公還朝

夢陶隱自言常渡海裝任爲水所濡益有憔悴之色焉

題壽慶堂圖

走筆送高少尹

夜與可遠子能讀陶詩賦而效之

燕山高一篇呈周叅議

送高將軍奉使還鄉

得座字謹題左侍中卷末

次韻拜獻右侍中上洛伯座下

七言古詩

中秋歌

題公州錦江樓

落馬銓呈圃隱陶隱浩亭三位大人

次諸公韻

題樵叟圖

題孔伯共漁父詞卷中

置書籍鋪詩并序

五言絕句

詠梅八首

貞白子問於玉潔先生曰詩可學乎曰不可學

詩如學禪自有古人公案云云默然良久微

吟上八絕貞白子聽之竦然有箇省會處卽

呈偈五首

詠柳七首

題復齋詩卷

六言絕句

進新都八景詩

畿甸山河

都城宮苑

列署星拱

諸坊碁布

東門教場

西江漕泊

南渡行人

北郊牧馬

三峯集卷之一

奉化 鄭道傳 著

昌寧 成石璠 選

安東 權 近 批

賦

陽村賦

按權近麗季坐事疏于忠州居陽村
田為號李楷陽村記亦取此賦之義

於穆惟陽有開必先莫高匪天象緯斯懸莫深匪地
潛于重淵萬物林林無適不然時焉春夏生意發榮
人惟君子秉心剛明一念之微惻然其萌四海之廣
熙熙者氓細入毫芒包乎有形混兮無間闢兮無窮

前無其始後無其終孰主張是道爲之宗孰得其妙
陽村權公博觀萬殊約至一中謹而守之齋戒吾身
不遠而復其端綿綿擴而充之果達火燃一日天下
而不由人體之如何惟乾乾兮

墨竹賦

陶泓管城子一日過於無何氏之宅主人倒屣而出
迎之几席相與商確古今評題品物吐氣霏乎雲煙
發言鏗乎金石於是管城子捐陶泓而作裸身免冠
以首濡墨踴躍跳躍灑于高堂之壁乍俯乍仰或往
或復變態百出駭人之目坐客皆顧瞻錯愕之不暇

尚安得髣髴其萬一也哉觀其如風馬奔逸躡地拏
空電逝兔脫滅沒無蹤如巨艦駕浪健席高張瞬息
百里超忽渺茫何其異哉莫知其狀也至若揮擢奮
迅如疾雷之不及掩聰非郢人斲鼻端之泥運斤而
生風者歟如矛戟相向森然其鋒非赴敵之兵鞠走
而急攻者歟不然蜿蜒如龍蛇屈伸其草聖之三昧
得於劍舞之有神者歟言未訖雲煙冥迷風霜淅歷
直榦抽簪逆根埋玉解籜披披戰葉撼撼猗然月下
之姿蒼然煙中之色嗚呼嘻噫茲非所謂墨君者歟
佳賓滿座相顧大噱向者之疑渙然冰釋

梅川賦

按梅川晉州村
名河有宗所居

歲在庚申時維季冬天氣凜冽枯木號風三峯子躡
屐出門四顧蒼茫渺天地兮窮陰忽昇端兮清香觸
之而不見尋之而無方恍未知爲何物恨予心兮若
忘于時夜雪新霽素月流光渡川流之清淺散予策
兮彷徨粲然得之于川之傍欲誰何兮無言羌意眞
兮色莊縞裙兮練袂羽衣兮霓裳雪肌兮綽約玉貌
兮輕盈飄飄然若泛銀河而歷廣寒挹羣僊於上清
也有一少年若嬉若噱曰惟羣物各以類從僊凡異
處清濁不同蓋物之至潔者雪也氣之至清者月也

上下無間湛然一色此造物者之所以厚予嗜而予
之所以自適也顧人世方安在隅風日方幾塵人間
之熱不足以爲吾病方世俗之累不足以撓吾真也
子何自而來乎三峯子不覺聳動毛髮灑然拭目而
視之乃與浩甫遊於梅川

按浩甫河有宗字

五言古詩

關山月

癸卯春公受忠州司錄之命赴居開京時國使入原無一人還者民間皆言原

以忠宣王孽子代恭愍爲王矣後果然○按忠宣孽子即德興君塔思帖木兒

一片關山月長天萬里來塞風吹不盡冷影故徘徊
蘇武何時返李陵亦未迴蕭疎白旄節寂寞望鄉臺

豈無南飛鴈音信何遼哉見月三歎息搔首有餘哀

古意

甲辰夏公以典校注簿居開京時作

蒼松生道傍未免斤斧傷尚將堅貞質助此燭火光
安得無恙在直榦凌雲長時來豎廊廟屹立克棟樑
夫誰知此意移種最高岡

又

我有太古琴非絲亦非桐愁來方一彈冷然滿座風
物固各有遇時也獨不同豐城兩神劍經年在匣中
有氣干牛斗一朝遇雷公伯牙今何在知音四海空

琴谷

谷暖土色赤石秀泉水清托根既得所枝葉自長成
斷山動雲影煮石聽松聲氣味與之合於焉養道精

登三峯憶京都故舊

公自丙午年繼有兩親之喪居榮州終制已酉還三

峯舊居

端居興遠思陟彼三峯頭松山西北望峩峩玄雲浮
故人在其下日夕相追遊飛鳥入雲去我思終悠悠
采芝不盈劑寘彼道之周一往諒非難胡為此淹留
城闕豈不樂亦愛巖巖壑幽浩歌攀桂枝卒歲以優游

石灘

按正言李存吾上書論辛毗優監長沙務後居扶餘之石灘構亭灘上優游嘯咏以

終其身公作此詩

三
四

石面立削鐵灘流奔長虹灘頭橫漁艇灘上起茅宮

高人抱清疾歸來卧其中朝遊欣浩蕩浩蕩一本夕

晚驚明滅天炎挹孤爽潦盡流皓月春水碧於藍何

如飄朔雪燕坐玩奇變按後人評曰指上六逝者無

停時獨有雙白鷗飛來長在茲按後人評曰忘機嗟

我不如鳥未去空相思

次古人步月詩韻效其體

義人不勝清喚取藕絲裳緩緩步明月皎皎同素光

皓齒歌白雪郎君眇遐方颯然秋風至調古為清商

淒涼人似玉冷淡月如霜老大還對月無乃鬢髮蒼

遠遊歌

時恭隱王為魯國公主起影殿土木大興公託周秦得失諷之

置酒賓滿堂起舞歌遠遊遠遊亦何方九州復九州
朝批洞庭波暮泊易水流四顧騁遐矚想像雍熙秋
翼翼唐虞都崇崇夏殷丘歲月曾幾何邈矣不可求
登車復行邁翩翩逝宗周戔戔靈臺高雷雷梓雲浮
鳳凰鳴高岡關雎在河洲綿綿千載後綽有無疆休
繼世何莫逮王風日以渝祖龍呀其口一舉吞諸侯
阿房與天齊元盡蜀山頭禍在魚狐間一朝輸項劉
孰非出民力得失如薰蕕按後人評曰此言靈臺阿房俱用民力而興亡相懸
徘徊感今昔日晏旋我輶滿堂賓未散舉酒相獻酬

高歌未終曲雙淚為君流

按後人評曰終至若流涕而道之諷之深切

庚戌中秋之夕李順卿存吾自扶餘過于三峯

與之翫月別後却寄

平生愛明月明月不長圓對月思故人故人天一垠
今夕是何夕月與人共適皎皎月如霜溫溫人似玉
月落人未眠人歸月又生人固有會散月亦有虧盈
人與月相違佳期相參差一月月一圓對月長相思

秋夜

辛亥秋七月公聞辛曉被誅赴開京時王以誅眈親告太廟凡禮數樂節命公議之

以我山野人未償丘壑心營營塵土間倦矣不能任

以前祇候除太常博士仍掌銓選凡五年

嚮晦方就休、宴坐到夜深、忽有清商聲、迴薄牕北林、
初疑笙鶴來、又訝虬龍吟、起視竟無有、灝氣襲衣襟、
少焉山月上、庭柯布踈陰、恍然沉痾痊、冲澹生膏襟、
因之懷舊山、彈我牀上琴、秋風吹南去、託此寄遺音、

又

今日非昨日、明朝復何時、陰陽無停機、四時相推移、
百年能幾何、徒令我心悲、哀哉名利人、至老猶未知、
貴者自驕固、卑者多詭隨、榮華逐電光、身後有餘譏、
彼美君子士、中心無磷緇、高高雲月情、皎皎冰雪姿、
庶將垂不朽、千載以爲期、感此發長謠、秋風颯淒其、

庭前菊

庭前有芳菊掩翳衆草中當春各爭妍誰復念孤叢
忽焉霜霰秋蕭颯多悲風百物盡凋瘵佳色獨蒼蒼
采采不忍摘徘徊感予衷常恐風一本作雨雪至與彼還
相同

贈陽谷易師

道人結茅屋一本作宇在彼山之陽白日照其上草木妍
春光冲然寂無營燕坐談義經君看七日復朋來無
疾傷萬物雖未形天心正分明縱橫變化殊盡向一
中生此理亮昭晰自古非宵冥吾當往問之按後人評曰問

之乃所
以告之
為我一丁寧

病中懷三峯舊居

嗟我抱沉疴居常畏炎天况復車馬塵衣冠苦拘纏
所以氣煩鬱五月猶未痊懷哉三峯雲故人在其巔
為我泛瑤琴亂以歸來篇清風振林莽遺響何泠然
問我久行役何時當來還山靈未移文巖壑聊延延
我感故人意危涕流潺湲君臣義甚重病矣猶勉旃
天門九重深欲叫空盤桓三峯渺何處極目但雲煙

感興

久客尚絺綌北風淒以涼團團寒露至蘭枯謝幽芳

悠悠關山遠行行道路長何以卒歲晚歲晚多繁霜

又

列彼山中泉在山清且漣堤防一朝決就下何沛然
去山日以遠衆流會其間無復向時清逝者何當還
我來臨水上不忍聽潺湲

又

鳳凰何飄飄高逝不可望飢食青琅玕渴飲天池潢
俯視塵世窄嗷嗷鷄鶩場所以久不下徘徊千仞岡

送安定入京

我家三峯下寄此林泉幽蓬華生光輝之子肯來遊

盤餐愧菲薄此意仍綢繆相與歌大雅亦足忘吾憂
暑雨阻季夏節候丁新秋感時思高堂凌晨戒征輶
呼兒強扶病送子登崇丘珍重一杯酒為我暫遲留

感興

乙卯夏公以成均司藝作是詩遂論時政得失宰相惡之貶全羅道會津縣

膏車邁行役登彼太行山黃流奔其下顧瞻三亳間
蒼茫皆異國雙墳對巍然且問何代人龍逢與比干
不忍宗國墜忠義裂心肝手排閭闔門抗辭犯主顏
自古有一死偷生非所安寥寥千載下英烈橫秋天

送盧判官

以下八首錦南雜咏皆在貶所作

判官家本尚也佐戎南方幕府稱良日月徂

邁新秋啓候歸意浩然邈不可留歎慨彌襟
夜飲以別

秋風動高樹客意已悲涼况復當此時之子歸故鄉
相對茅簷下燈火耿孤光亦有佳人携滿意傾壺觴
殷勤須盡醉明發各茫茫

用李浩然集詩韻示同年康子野

好文○按康
好文號梅溪

時在
光州

倚杖望松嶺雲歸日將暝宿鳥遠飛還樵歌時一聽
却歎飛蓬蹤飄飄無所定安得賦言歸秋風滿三徑
聽子野琴用浩然韻示之

清風入高樹幽澗鳴深林按後人評曰誤疑在丘壑
不知傍有琴我愛康子野與世任浮沉所以淡泊聲
能慰羈旅心

奉次廣東亭詩韻

東亭廡左使興邦號

昔在朝市喧苦憶田野寂今來愜夙尚肯歎罪罟密
禾黍正離離歲功將告畢况復物產奇行看薦橙橘
莫言非吾土可以送餘日信命更何疑寵利乃頭蜜
願公取吾言吾言勿再出

寫陶詩

茅簷虛且明隨意寫陶詩陶翁信高士義皇乃其儔

委順大化中無慮亦無為誰言千載遙同得我心期
珍重尚友志歲晚莫相違

奉寄東亭

節當始和天氣尚寒慨然晤歎寄言於懷

皇天分四節寒暑各有時原正既已屈立春亦不遲
寒威尚未收凜冽侵人肌殊方滯久客短綿紛敝衣
晨鷄不肯鳴達夜空悽恹我我光山顛停雲長在茲
如何同落南不得相追隨道里能幾許每憶令人悲
公其自金玉遠大以爲期

月夜奉懷東亭

半夜獨起立，長空澹自寂。
一片海上月，萬里照茅屋。
冷影故依依，還如憐竄客。
爲憶東亭翁，應共此幽獨。

次韻寄鄭達可夢周

流落分離日月逝，矣眷戀之懷曷有其極。
子野之來言，獲書札奉讀，于三欣感交激，依韻

賦之辭止於達

夫何同心友，各在天一方。
時時念至此，不覺令人傷。
鳳凰翔千仞，徘徊下朝陽。
伊人昧出處，一動觸刑章。
芝蘭焚愈馨，良金淬愈光。
共保堅貞操，永矢莫相忘。

奉次東亭詩韻

水流竟到海雲浮長在山斯人獨憔悴作客度年年
故園渺何許歸路阻深淵春事逝將及誰破東臯田
可思不可去樓樓蒼海間賃屋絕低小朝暮熏炊煙
有時散紆鬱步上東山巔遙望茂林城中有高人間
目送飛鳥去我思空悠然

按東事詩在
光州茂林城

寄瑞峯實上人

桑門有上首餘事能文章誰謂道里遠跂予可相望
夫何在網羅未得翔其傍題詩代良覲髣髴接清光
奉寄東亭

雨雪成歲暮江山阻鄉關飄飄在天末落落違世間

襄陽舊遊處每恨難追攀莫恠吾詩拙聊代千里顏

順興南亭送河大司成崙還京

按戊午後往來榮堤時作

送君還玉京贈君雲端月莫言雲端遥直照杯中物
願君飲此杯我心月同潔羣飛劇昏陰清光中道蝕
不有同心人埋沒竟誰惜臨分更珍重見月幸相憶
送金先生落第南歸次阮嗣宗感懷韻時公在開京
有客歌鹿鳴曲盡尚遺音舉世厭淡泊雅聲竟淪沉
嗟予微且辱無以慰滯淫聊將短歌行送子歸故林
去去崇令名莫負歲寒心

題秋興亭

按亭在龍山江李崇仁記云金奉翺翔是亭金秘監扁以秋興

金侯有雅尚歸來山水鄉登高構危亭日夕此徜徉
仰視峯巒竒俯看江流長永黍被原野松菊滿道傍
落日淡西浦素月生東岡藜杖極孤賞衫袖領新涼
秋風無限興浩然不可量我家三峯下兩地遙相望
何當歸去來一笑共深觴

效孟參謀

卧壑千年木枯枝不復春苔蘚纏其皮鱗峒如龍鱗
豈無樛棟用萬牛空逡巡我來適見之苦淚爲霑巾
棄置勿重歎材大難容人

又

有客抱瑤琴悄悄莫肯彈一彈非所惜直恐知音難
志在山水外子期終惘然感深不成聲急撥還斷絃

嗚呼島吊田橫

奉使雜錄○甲子秋公以典校副令從聖節使鄭夢周入明

曉日出海赤直照孤島中夫子一片心正與此日同

按後人評曰此四句沈雄磊落想見田橫精氣上徹霄漢相去曠千載嗚呼感予

東毛髮堅如竹凜凜吹英風

竹所

乙丑公還在開京時○按竹所韓尚質軒號

高人竹為所竹與人共清婆娑月夕影漸瀝風朝聲

渠心獨自許苦節乃可貞對此成益友聊以寄此生

題卧雲山人詩卷

幽人謝塵事高卧白雲中雲來本無心雲去忽無蹤
日夕自怡悅氣味與之同我來逢玉雪得以挹高風
可思不可見雲深山萬重

題全典客字說卷中

按全典客
名五倫

惟天降以衷民固秉其彝大倫乃有五順也非強為
世人多昧此全者或幾希曰若華協飭都俞臯與夔
齊栗致烝乂欽哉虞嬪釐是為人倫至而作萬世師
吾黨有君子全家呼白眉以此著名字至虔心所期
請自孝悌始孟氏豈我欺

送遼東使桑公

按桑公名麟辛
丑來索元季流民
乙

聖朝重方隅幕府開遼陽主將信英俊賓客多才良
有美桑公子壯年慷慨復此持使節能慰遠人望
如何遽告歸祇令我心傷蕭蕭木葉下悠悠關路長
西風吹征袂寒日照離觴臨分更握手珍重莫相忘

送國子典簿周先生

俾還京

按乙丑十月周俾以謚冊使還京

惟天眷一德明明闡皇闡烈烈宅有截煌煌樹宏規
所以聲教被不分華與夷虞庠周先生載詠菁莪詩
及此持使節赫赫漢官儀咳嚙落珠玉顧眄生光輝
誰謂小邦陋亦得遭盛時寵錫正終始舉國承恩私
顧予何為者獲荷君子知敢言應同聲聊賦我所思

送行人段公還朝

按段公名祐乙丑秋以詔書使還京

秋風吹玉露。河漢夜有光。行人將發夕。道路悠且長。
男兒志遠大。一別何足傷。感激承嘉惠。涕淚霑衣裳。
昂昂鸞鶴姿。肯處鷄鶩場。恨無雙飛翼。冥冥同翱翔。

送行人雒公還朝

按雒公名英乙丑十月以謚冊使還京

蕩蕩白玉京。遙遙滄海湄。相去雖云阻。風雲際一時。

今夕是何夕。接君瓊樹枝。得聞

天子聖皇風。日清

夷。所以眷東顧。霈然覃恩私。宣命甫已畢。駕言還其
歸。執手野踟躕。不忍與君違。君違行且遠。我心傷以
悲。去去船自昂。霄漢高翔飛。上應明時需。下慰長相

思

夢陶隱自言常渡海裝任為水所濡益有憔悴之色焉

故人在萬里夜夢或見之草草勞苦色瑣瑣羈旅姿
雖謂別離久宛似平生時淮海足波浪道途多嶮崎
君今無羽翼何以忽上茲夢覺倍悽惻不覺雙淚滋

題壽慶堂圖

重奉使錄○按壽慶堂遼東鉅夫
孫氏自扁黃州人成遼東○庚午

黃岡渺萬里攬之盈握中丘壑宛如昔草木吹春風
雙親在堂上遊子成遼東晨昏展新圖髣髴接音容
孝誠苟云至竟與天地通宣招當不遠且莫心中忡

走筆送高少尹

耽羅在海上風氣接蓬瀛右族有高氏實惟天所生
人物似神仙輝光動列星世世濟厥美朝版登姓名
少尹乃其後楚楚壯華英慨然慕儒術北學來開京
士林服高義廟堂嘉衷誠一起超四秩金紫擁光榮
異數膺寵錫杖節還其行秋風吹官道落日照驛程
駟騎去如飛翩翩紗帽輕舉杯相送罷悵望難為情
夜與可遠子能讀陶詩賦而效之按可遠權近字
良朋共鄰曲門巷相接連晨征寒露濡夜會燈火然
相與玩奇文理至或忘言日月復如茲此樂天不諼

燕山高一篇呈周參議

庚午

燕山高崢嶸，易水寒且清。方隅古所重，維城隱長城。
參議者誰子，美哉周先生。匪躬常蹇蹇，布政何明明。
殊俗自來威，民庶躋和平。小生亦何幸，慶壽朝帝庭。
歸來道燕山，重得接儀刑。一本作形館待甚綢繆，慰此
萬里行。斯文本同調，况契平昔情。請公永終譽，臨歧
更丁寧。

送高將軍奉使還鄉

停杯問之子，飄飄安所適。客路秋將晚，風氣何凜冽。
行役非所憚，無乃衣裳薄。海上有神山，縹緲雲煙隔。

戀戀朝暮情。堂親鬢如鶴。官遊非所樂。親老亦堪惜。
所以戒征輶。凌晨發東郭。國家重遠人。仍將使者節。
身上著錦衣。尊前舞綵服。盡孝當在忠。去去毋滯跡。
何以贈君行。殷勤勸深爵。

得座字謹題左侍中卷末

按左侍中
卽趙後

公才固天挺。道德崇鄒軻。昂昂志氣高。藉藉名聲大。
起射金門策。當期一箭破。謬謬李侍中。主此宗工座。
藻鑑清似水。果得興王佐。開國拜上相。華筵首稱賀。
賦成誦德篇。珠玉隨咳唾。甚愧吾語拙。陽春終寡和。

次韻拜獻右侍中上洛伯座下

按上洛伯
卽金士衡

恭惟侍中公氣和心膽雄奮義決大策鷹揚檢兵戎
一朝膺大拜禮秩何其崇小子忝夙契遠自兩尊翁
按兩尊翁謂鄭尚書云敬金密直歲幸哉逢嘉會得與開國功攀附青
雲路追趨丹鳳宮時時奉論議有如聞黃鐘信知江
海量不與行潦同所期保貞操白首好過從上以奉
君親下以明寸衷

七言古詩

中秋歌

錦南雜詠
乙卯

去年中秋翫月時歌舞縱謔開華筵高堂簾卷夜如
晝清光凝座羅神仙醉中呼月作金盆玉壺羨酒詩

百篇今年遠謫會津縣竹籬茅屋荒山前秋風颼颼
動林莽物象蕭條何悄然是時對月倍悵悵回首舊
遊散如煙此身由來非異身今年明月似前年自是
人情有異感造物賦與原非偏為問明月之所照幾
人歡樂幾人悲明年見月又何處歡歟悲歟未可知
明月無言夜將半獨立蒼茫歌怨詩

題公州錦江樓

丁巳七月公自貶所從便還三峯舊居二十四日宿是樓作

君不見賈傳投書湘水流翰林醉賦黃鶴樓生前軼
軼無足憂逸意凜凜橫千秋又不見病夫三年滯炎
州歸來又到錦江頭但見江水去悠悠那知歲月亦

不留此身已與秋雲浮功名富貴復何求感今思古
一長吁歌聲激烈一本作列風颼颼忽有飛來雙白鷗

落馬吟呈圃隱陶隱浩亭三位大人

朝來騎馬出都城都城之路如砥平逢人不揖亦不
語垂鞭放轡隨意行有如山聳頭鶴側哦詩不覺時
有聲天公似戲踈且懶忽然健倒傷我形兒童攔街
拍手笑歸卧十日猶未寧門無車馬雀可羅况得坐
值公與卿為因砭灸息干謁僕童有暇及薪荆君不
見塞上翁得失從來禍福并

次諸公韻

圃隱先生道德宗照人文彩最風流遁老意氣傾羣

公兩鬢華髮吹颼颼蔡軒

按蔡當作葵軒權鑄也

清標奪玉

潔陶齋文焰凌雲浮又有東隱是長者忠民至今猶

歌謳去年今夜山寺會談笑縱謔同忘憂可憐欲之

在萬里三峯幸得出林丘歲月幾何聚散多莫負諸

公招我遊

題樵叟圖

重奉使錄
庚午夏

請叟當採樵莫斫青松枝松樹高萬丈枝梧大厦危

請叟當採樵荆棘在芟夷荆棘芟夷盡芝蘭何猗猗

按後人評曰以採樵况
宰相進君子退小人樵叟方樵叟山中不可久淹

留為我往副明時求

按後人評曰此亦招隱之意

題孔伯共漁父詞卷中

按孔伯共名俯號漁村善隸書

有翁有翁身朝衣半酣高歌漁父詞一曲起我江海
思二曲坐我蒼苔磯三曲泛泛迷所之白沙灘上伴
鸕鷀紅蓼洲邊同鷺鷥雲煙茫茫雪霏霏水面鏡淨
風連漪綠簑青箬冒雨披短棹輕槳載月歸興來閒
捻一笛吹往往和以滄浪辭數聲激烈動江涯恍然
四顧忽若遺高歌未終翁在茲

置書籍鋪詩

并序

夫為士者雖有向學之心苟不得書亦將如

之何哉而吾東方書籍罕少學者皆以讀書
不廣爲恨予亦病此久矣切欲置書籍鋪鑄
字凡經史子書諸家詩文以至醫方兵律無
不印出俾有志於學者皆得讀書以免失時
之歎惟諸公皆以興起斯文爲已任幸共鑑
焉

且問何物益人智若非美質由文章所恨東方典籍
少讀書無人滿十箱老來雖得未見書讀了掩卷便
遺忘誓心願置書籍鋪廣惠後學垂無疆君看夷裔
害倫理其書滿架充棟樑彼盛此衰何足歎自是吾

曹志不強諸公請助書籍費致令斯道更輝光

五言絕句

詠梅

渺渺江南夢飄飄嶺外魂相思空佇立又是月黃昏

又

泠泠孤桐絲

一作絃

裊裊水沉煙皎皎故人面忽到夜

牕前

又

窮陰塞兩間何處覓春光可憐枯瘦甚亦足卻冰霜

又

著屐踏殘雪行此江之濱忽然逢粲者聊可慰幽人

又

一曲溪流殘三夏月影殘客來吹玉簫獨立不勝寒

又

嶺外疊峯巒巖邊足冰雪玉魂落遐荒相看兩愁絕

又

久別一相見草草著緇衣按此詠墨梅也但知風味在莫問

容顏非

又

遠使何時發初從萬里迴春風也情思吹入手中來

貞白子問於王潔先生曰詩可學乎曰不可學
詩如學禪自有古人公案先生因甚道詩不可
學曰待汝學禪了方向與汝道曰學則不問請
問不可曰言之則觸不言則背觸也落這邊背
也落那邊不觸不背中中而入方許爾覲得本
分風光曰弟子根機下劣時緣未到今聞先生
之言與蟲螭齧鐵牛相似請先生不惜方便下
一轉語以終惠焉先生默然良久微吟上八絕
貞白子聽之竦然有箇省會處卽呈偈曰

縷玉製衣裳
啜冰養性靈
年年帶霜雪
不識韶一作昭

光榮

按後人評曰此
趣世間之意

又

夜靜雪初霽淡月橫半天腸斷江南客哦詩獨不眠

先生曰汝得吾皮肉

婆娑廣寒夜冷淡楚澤秋一般清氣味獨自占風流

又

明牕橫几不許素塵侵燕坐讀周易端的見天心

先生曰汝得吾骨髓貞白子欣然而樂曰不亦

善乎問一得三聞詩聞禪又聞君子之心切於

老婆也

西湖人不見。天地徒爲春。曠然千載下。冥會精與神。
先生曰白也。可與言詩矣。其告也往也。其知也
來也。先生自是不復言詩。如有請者曰。貞白子
在。

詠柳

含煙偏裊裊。帶雨更依依。無限江南樹。東風特地吹。

又

傍林初暗淡。臨水轉分明。向曉雨初霽。鶯兒忽一聲。

又

牢落高樓畔。荒涼古驛邊。不堪斜日暮。更乃帶殘蟬。

又

東門送客處正值春風時此恨何時盡年年多別離

一作長
新枝

又

久客未歸去斜陽獨倚樓一聲何處笛吹折碧江頭

又

飄飄如欲近故故似相隨輕薄還無定難憑贈所思

又

省言舞腰細復道翠眉長若教能一笑應解斷人腸

題復齋詩卷

按復齋
鄭摠號

有時馳汗漫倏忽入重淵操舍在俄頃憑君更旌旗
六言絕句

進新都八景詩

畿甸山河

沃饒畿甸千里表裏山河百二德教得兼形勢歷年
可卜千紀

都城宮苑

城高鐵甕千尋雲繞蓬萊五色年年上苑鶯花歲歲
都人遊樂

列署星拱

列署岩嵒相向有如星拱北辰月曉官街如水鳴珂
不動纖塵

諸坊幕布

第宅凌雲屹立閭閻撲地相連朝朝暮暮煙火一代
繁華晏然

東門教場

鐘鼓重轟轟動地旌旗旆旆連空萬馬周旋如一驅之
可以卽戎

西江漕泊

四方輻湊西江拖以龍驤萬斛請看紅腐千倉爲政

在於足食

南渡行人

南渡之水滔滔行人四至鑣鑣老者休少者負謳歌
前後相酬

北郊牧馬

瞻彼北郊如砥春來草茂泉甘萬馬雲屯鵲厲牧人
隨意西南

三峯集

卷之一

三峯集卷之一

三峯集卷之二目錄

七言絕句

亂後還松京

出城

訪李佐郎

崇仁

雨中訪友

觀物齋

還三峯若齋

金九容

送至普賢院

遣興

重九

四月初一日

奉題東亭竹林

中秋

訪金居士野居

訪金益之

訪定林寺明上人

送李廉使士穎還京

端午日有感

奉題守蹇齋

驚峯寺樓上賦得一絕奉寄卓先生

玄生員書齋

雲公上人自佛護社來誦子野詩次韻寄佛護社主

渡錦江

題暎湖樓

寄贈栢庭禪

贈栢庭遊方

訪古軒和尚途中

村居友送銀魚書懷謝呈

送等菴上人歸斷俗

送李浩然赴鎮邊幕

挽權寧海

夜坐

水原途中望金總郎家

途中

文中子

自嘲

過古東州

二首

鐵嶺

過鐵關門

題咸興館

過文川

題咸營松樹

又赴咸州幕都連浦途中

自詠

五首

挽金氏夫人

義州公館夜坐憶陶隱

旅順驛壁有畫婦其面模糊題曰柳營狂客戲
筆其人亦死感而有作

中秋上莊驛

金州館

蓬萊閣

過高郵

題隱溪上人霜竹軒詩卷

梅雪軒圖

題僧牧菴卷中

雪中訪友

韓尙質

送僕副令按江陵二首

李判書第次權大司成韻

春雪訪崔兵部

獲奉鈍齋先生四詠有以見正大高明之學恬
澹閑適之情不勝景歎依韻和之四首

次黃驪詩韵

春日卽事

次尹大司成詩韵效其體

二首

李判書席上同圃隱賦詩

書應奉司壁

入直

次鄭狀原摠城南卽事韵

鄭摠郎作詩有落花之歎次韵反之

題平壤浮碧樓

萊州城南驛館屏有婦人琴瑟書畫四圖戲題

其上四首

山居春日卽事

到平壤二首

詠物

儀真驛

頭館站夜詠

閏十二月二十日到廣陵憶賀正使

淮陰驛立春

癸酉正朝奉天殿口號

謝恩日奉天門口號

寒食

陪御駕遊長湍作

新宮涼廳侍宴作

五言律詩

村居卽事

次寧州康中正韻

哭金克平

次韻送金秘監九容歸驪興

三

卷二目錄

五

寄斷俗文長老

次權可遠詩韻送李翰林行歸觀二首

次民望韻送朴生

挽尹典書

遊山寺

中秋歌

信長老以古印社主命來惠白粲臨別贈詩

咸公樓上飲酒

偶題玄生員書齋壁上用唐人韻

登湧琺寺克復樓

送覺峯上人

次湛上人詩韻贈竹牕李寺丞

玄生員書齋

題羅州東樓

安南途中遇雪

交州道按廉使河公齋復命如京原州使君

長壽邀予同餞不赴以詩代之

寄金副令寓居忠州山寺

順興南亭別河大司成還京

順興府使座上賦詩

三
卷
二
聞金若齋在安東以詩寄之

若齋旅寓

安東鄉校閱金堂後詩卷書其末

避寇

山中二首

秋霖

村居

移家

立春日次陶隱詩韻

雪

宿原堂寺

原日

春風

雲

雨

新亭

詠雪次遁村詩韻

旅順口驛中秋

贈山東都司

入成均館

送鄭正郎之任古阜

送鄭副令洪出按慶尚道

古巖道人故先生崔兵部之弟也予遊先生門
受業時巖尚讀書先生卒與巖別二十餘年
見於陶隱齋乃祝髮為浮屠也感歎久之因
書其詩卷焉

伏蒙國子典簿周先生倬惠筆譜賦五言八句
為謝

送崔副使擢第還鄉

送黃總郎按楊廣道

送李摠郎按慶尚道

送李佐郎按交州道

挽判門下曹相國舅姑

挽尹密直

可觀

哭崔判書

哭權侍中

次人送別詩韻

次黃州板上詩

旅順口用前韻賦呈徐指揮

古亭驛

登州待風

邀諸道觀察使于三峯齋尚州牧使亦在席上
七言律詩

日暮

草舍

金直長彌來示可遠詩次韻

逢春

偶題

原城同金若齋見按廉使河公嵩牧使傑公長

壽賦之

早行

次安邊樓韻

上遼東都司經歷都事兩先生

渤海舟中次鄭評理夢周韻

范光湖

太平館席上次國子學錄張先生溥韻

宣仁館席上次韻錄呈國子典簿周先生倬

題仁州申使君林亭

挽李密直

彰路

萊州城南驛次監生宋尚忠詩韻

三
次韻題日本茂上人詩卷

光州節制樓板上次韻

安州江上次李散騎韻

鐵原東軒

詞

江之水詞

樂章

納氏曲

窮獸奔

靖東方曲

文德曲

夢金尺

受寶錄

三峯集

卷二目錄

三峯集卷之二

奉化 鄭道傳著

昌寧 成石璘選

安東 權近批

七言絕句

亂後還松京

按恭隱壬寅紅賊平此詩癸卯間作

天水門前柳色青
眼明驚見舊都城
僕童不識中興事
猶說年前喪亂行

出城

甲辰春

出城南望路悠悠
正是東風二月頭
誰向都門種楊

三
柳年年飛絮使人愁

鄭世雲種柳於東門外後以摠兵官平紅寇為三原帥所害

訪李佐郎

崇仁

庚戌夏公居三峯聞國家命儒臣聚成均館講明經學赴開京

獨騎款段似騎驢醉睡垂鞭任所如馬欲駐時仍睡
覺毀垣柴戶是君廬

雨中訪友

門掩人家笑語稀青青楊柳雨交飛披簑偶爾尋柴
戶還似漁村煙暮歸

觀物齋

俯仰乾坤一道人此心如水平淡無塵高齋坐斷蒲團
上閒日中庭草自春

還三峯若齋

金九容

送至普賢院

是夏公還三峯舊居

聯鞍共詠出都門朝市山林一路分
他日相思何處是松山秋月華山雲

遣興

十年碌碌伴兒嬉夜卧時時每自嗤
欲向蘇門長嘯去清風天外滿衣吹

重九

以下八首
錦南雜詠

故園歸路渺無窮水繞山回復幾重
望欲遠時愁更遠登高莫上最高峯

四月初一日

山禽啼盡落花飛。客子未歸春已歸。忽有南風情思在。解吹庭草也依依。

奉題東亭竹林

竹林深處着匡牀。六月南方一片涼。卧讀陶詩日將午。風吹清露滴衣裳。

按東亭著陶詩後序

中秋

浮世光陰復幾年。年年佳節客中過。一身萬里鄉關遠。夜靜僧牕月似波。

訪金居士野居

秋陰漠漠四山空。落葉無聲滿地紅。立馬溪橋問歸

路不知身在畫圖中

訪金盆之

墟煙暗淡樹高低草没人蹤路欲迷行近君家猶未
識田翁背指小橋西

訪定林寺明上人

走馬尋僧亦快哉蕩搖蘿蔓破莓苔扣門剝啄嫌遲
晚急喚沙彌報客來

送李廉使士穎還京

客裏三年慣別離春風又作送行詩魂夢不知羅網
密隨君直到漢江湄

端午日有感

野父曰翁勸酒頻謂言今日是良辰頽然醉卧茅簷
下還愧醒吟澤畔人

奉題守蹇齋

守蹇齋中守蹇翁此身雖蹇道還通焚香坐讀淵明
集千載悠然氣味同

鷺峯寺樓上賦得一絕奉寄卓先生

按卓先生
名光茂號

景瀛亭時
在光州

客夢初驚一葉秋偶乘微雨上高樓居僧遙指先生
宅白石清泉谷口幽

玄生負書齋

茅齋步月夜深深領得先生一片心
回首世間無此樂莫將閒事計升沉

雲公上人自佛護社來誦子野詩次韻寄佛護社主

相逢一笑轉成空始信浮生似夢中
南望雲煙橫縹緲碧山何處住禪筇

渡錦江

扁舟一葉在中流北去南來集渡頭
日暮路長爭競涉無人回首見沙鷗

題映湖樓

按樓在安東庚申後往來榮堤時作

飛龍在天弄明珠遙落永嘉湖上樓夜賞不須勤秉

燭神光萬丈射汀

舊本作江洲按恭愍王自福州還書賜映湖樓金榜揭于樓

寄贈柏庭禪

三冬秀色連空

一本作雲翠六月清風滿地寒此是柏庭

奇絕處登攀何日好相看

贈柏庭遊方

流水浮雲任所之清風明月獨相隨遠遊畢竟終何

得早早歸來慰我思

按鄭圃隱題此詩卷曰三峯於人少許可有眼分明辨真假為

師拳拳乃如斯柏庭必非虛走者

訪古軒和尚途中

荒坡不盡路無窮
雪滿山溪落日風
始聽鐘聲知有寺
房櫳隱約碧雲中

村居友送銀魚書懷謝呈

映湖樓下有銀魚
千里來傳故舊書
金章紫綬徒爲爾
清夢時時遶草廬

送等菴上人歸斷俗

按斷俗寺名在晉州智異山

等菴上人無住著
秋風北來春又歸
臨分不用苦惆悵
予亦從今當拂衣

送李浩然赴鎮邊幕餞

臨原鎮

三才集
五
十萬繩牀氣勢憚從容談笑一書生遙知檄罷高臺
臥蒼海無風月正明

挽權寧海

鑑湖秋水倍澄清夜夜湖山月正明疑是先生舊顏
色臨流對月獨傷情

夜坐

小屋如舟月似波清風一陣滿烏紗都城五月江湖
興露坐中庭放浩歌

水原途中望金揔卽家

半嶺疎松夕照明孤村淡樹斷煙生茅茨處處多相

似爲問君家止復行

途中

曉入城門向夕還
蒼茫星月動前山
家童不睡遙相望
松下苔扉猶未關

文中子

紛紛天下事
兵爭尚爲時
君策太平講
道分陰從白
首一時諸子盡名卿

自嘲

操存省察兩加功
不負聖賢黃卷中
三十年來勤苦業
松亭一醉竟成空

過古東州

癸亥秋公從東北面都指揮使今我太祖赴咸州幕○按東州鐵原古

號

遠隨戎旆過東州
畫角聲高欲暮秋
往事奢華無處問
冷煙衰草鎖荒丘

又

曠野天低草木秋
長江如帶繞城流
將軍此地推強虜
仗節重來尚黑頭

按恭愍癸丑春納哈出入寇我太祖大破賊于咸興坪

鐵嶺

鐵嶺山高似劍鉞
海天東望正茫茫
秋風特地吹雙鬢
驅馬今朝到朔方

過鐵關門

雲煙一道滄溟近風氣千年地理分
自笑區區經國志從戎又過鐵關門

題咸興館

甲子春

三月三日發咸州柳色搖黃草欲抽
正值關東好時節宦遊還是等閒遊

過文川

文州城外草青青垂柳陰中百鳥鳴
不識清明寒食過日斜猶自向西行

題咸營松樹

從我太祖
東北面作

蒼然歲月一株松生長青山幾萬重好在佗年相見

否人間俯仰便陳

舊本作塵蹤

又赴咸州幕都連浦途中

甲子夏○按浦在咸興府南

湖光天影共蒼茫一片孤城帶夕陽忍向此時聞舊曲咸州原是國中央

自詠五首

甲子公自咸州幕還金浦

窮經直欲致吾君童習寧知歎白紵盛代狂言竟無用南荒一斥久離羣

又

致君無術澤民難擬向汾陰講典墳十載風塵多戰

伐青衿零落散如雲

一本作煙。○按後人評曰有挽回世道之意

又

自知儒術拙身謀兵略方
師孫與吳歲月如流功未
立素塵牀上廢陰符

又

書劍區區兩未成
問歸田舍事躬耕不堪旱
溢年來甚爭奈門前責地征

又

今古都無百歲身
休將得失費精神
只消不朽斯文
在後日當生姓鄭人

挽金氏夫人

良人逝去未經年哭徹穹蒼淚滴泉已向地中相見
了哀哀兒子竟誰憐

義州公館夜坐憶陶隱

按甲子秋
朝京時

公館寥寥秋夜遲兩人相對一燈微遙知獨卧空齋
裏苦憶征夫幾日歸

旅順驛壁有畫婦其面模糊題曰柳營狂客戲
筆其人亦死感而有作

殘粧零落鬢鬟垂脉脉無言欲起遲似恨柳營狂客
去春風幾度暗相思

中秋上莊驛

四時今夜月獨好萬里郵亭人未眠忽被微雲蔽清
景佳期寂寞便經年

金州館

風雨瀟疎天地秋客中心緒倍悠悠故山東望已千
里明日又過遼海頭

蓬萊閣

按閣在登州海上
秦始皇候神僊處

風急扁舟一葉輕八僊祠下是州城按祠在之晚登
累城下
高閣還南望此去金陵復幾程

過高郵

奉使
雜錄

數堞危城傍水斜客來停棹爲咨嗟可憐勝廣成何
事輸與劉郎作漢家

題隱溪上人霜竹軒詩卷

一曲溪流繞屋鳴數枝疎竹對霜橫須知生意終難
遏又有源源活水清

梅雪軒圖

故山渺渺豫章陰大地風寒雪正深燕坐軒牕讀周
易枝頭一白見天心

題僧牧菴卷中乙丑春

芳草長堤春雨微牧牛終日却忘歸請君須辦耕田

力莫使無爲空自肥

雪中訪友

韓尚質

雪中騎馬訪韓生直到門前尚未晴
返路也乘餘興去風流何似剡溪行

送使副令按江陵

文星昨夜動光芒玉節遙臨碧海傍
提學先生遺愛在送君今日更霑裳

按公之大人提學公恭愍
丁酉存撫江陵多遺愛

又

關東風氣接蓬瀛草木生成地自靈
若得異書須寄我免教雙鬢變星星

李判書第次權大司成韻

睡起昏昏眼不開扶頭正恹更臨杯主人爲解餘醒
在復道槽牀已上醅

春雪訪崔兵部

街頭楊柳欲春風無奈朝來雪滿空走向君家急呼
酒衰顏憔悴尚能紅

獲奉鈍齋先生四詠有以見正大高明之學恬

澹閒適之情不勝景歎依韻和之

按鈍齋金
光藏號

何人親見伏羲來陶冶原化酒一杯已向靜中觀物

了天根月窟一時開

右詠造化

又

早起追隨肥馬來富家門裏飫殘杯請君看取路傍
子時復逡巡白眼開

右戒奔競

又

蕭鼓紛紛競往來椒馨滿案酒盈杯共言淫祀終無
福得見何時大道開

右飭淫祀

又

相國朝朝退食來每逢佳客勸深杯小生得忝膺門
接盡日從容談笑開

右叙幽適

次黃驪詩韻

按此詩又見權陽村集衆
非公所作而誌著于此

尺五城南天氣新
暖風遲日最宜人
欣欣草木皆相得
沂上于今欲暮春

春日卽事

春到園林淑景明
遊絲飛絮弄新晴
鳥啼聲裏無人到
寂寂雙扉畫自傾

次尹大司成詩韻效其體

拙學誠難箋國風
只吟柳綠與花紅
百年天地知音少
却恐終隨朽壤同

又

龍起雲從虎嘯風
萬民皆覩日昇紅
兩間充塞皆生

意自是薰蕕器不同

李判書席上同圃隱賦詩

庭院淡沉樹色微
駁雲漏日雨霏霏
一聲瑤瑟美人唱
酒滿金尊客未歸

書應奉司壁

按麗朝置文書應奉司爲事
大設也卽我朝承文院

內溝流水漾連漪
柳線無風直下垂
白鳥一雙相對立
滿園纖草雨晴時

八直

雪壓宮牆面面重
煙光暝色暗相籠
直廬靜坐銀屏擁
南寺時間第一鐘

次鄭狀原揔城南卽事韻

日日城南芳草新。壠頭無復舊時人。每逢寒食思歸去。淹滯京華又一春。

鄭揔郎作詩有落花之歎。次韻反之。

花開花落自春風。老去衰顏不復紅。美酒三杯詩一首。藹然佳興四時同。

題平壤浮瑯石樓

以下五首重奉使錄。庚午夏公以政堂文學賀聖節入明。

永明山下大江流。畫舸來尋浮碧樓。風遂正高天欲暮。煙波渺渺使人愁。

萊州城南驛館。屏有婦人琴瑟書畫四圖。戲題。

其上

芳園春到日初長
懶整雲鬟倚綉牀
彈罷一聲無限
恨不知誰賦鳳求凰

又

檻外花枝轉午陰
閒敲玉子逞芳心
輸來莫賭黃金
百一笑還應直百金

又

美人如玉罷粧梳
盡日凝眸讀底書
下女相看亦不
語無由得近遺瓊琚

又

可憐雲雨夢中人又向瓊臺寄此身思入丹青終不

應謾勞心力喚真真

按後人評曰用趙顏事

山居春日卽事

壬申春公自羅還榮

一樹梨花照眼明數聲啼鳥弄新晴幽人獨坐心無事閒看庭除草自生

到平壤

按壬申冬公以門下侍郎贊成事謝聖恩入明

玉節煌煌遠有華三行紅粉一聲歌使君風采江山勝酒滿金觴不飲何

又

道里悠悠歲又華臨分更聽柳枝歌年年此地多離

別爭奈紅顏老去何

詠物

以下六首後
奉使雜錄

嬋妍玉質近人傍一片丹霞染素裳今日始知真隱
逸自將貞白鬪冰霜

儀真驛

細雨如煙水似天儀真湖裏泛官船可憐鷗鷺渾相
識故故飛來近客邊

頭館站夜詠

朔風淅瀝吼枯枝馬困無聲客臥遲明日又從遼海
去驛亭何處是晨炊

閏十二月二十日到廣陵憶賀正使

水色煙光鎖暮天故人先上廣陵船汀洲一樣兼葭色定宿沙鷗阿那邊

淮陰驛立春

淮陰驛裏逢立春客子盤中生菜新今日故園誰辦酒尊前應說遠遊人

癸酉正朝奉天殿口號

春隨細雨度天津太液池邊柳色新滿帽宮花霑錫宴金吾不問醉歸人

按是行也帝遇之加禮不爲防限金吾不問醉歸人蓋謂此也

謝恩日奉天門口號

五漏聲高閭闔開金璫玉珮共徘徊
君王尚軫宵衣慮中使頻催奏事來

寒食

寒食清明客路中一番煙雨一番風
故園芳草應初綠萬里人迴遼海東

陪御駕遊長湍作癸酉秋

秋水澄澄碧似天
君王暇日御樓船
篙師莫唱長湍曲此是朝鮮第二年

新宮涼廳侍宴作

新宮卽漢陽景福宮也

禁院春深花正繁為招耆舊置金尊天工忽放知時雨
便覺渾身雨露恩

五言律詩

村居卽事

茅茨數間屋幽絕自無塵晝永看書懶風清片帙頻
青山時入戶明月夜為鄰偶此息煩慮原非避世人

次寧州康中正韻

按寧州天安郡號恭愍
癸丑康好文守是郡

論齒君為長相交我最親江山十載別書劒一身貧
政簡民安業詩清世共珍遙知鈴閣閉晝永片烏巾

哭金克平

按用前韻

年來紛會散屈指數交親末路誰爲困中郎最獨貧
青雲有知己白屋作潛珍今日聞長往無端淚滿巾

次韻送金秘監

九客

歸驪興

客有曠達者秋風湖海歸離亭寒草合村樹暝煙微
綵服庭闈近故鄉魚稻肥遙知李太守樓月共清輝

寄斷俗文長老

山溪千萬壘何處著高僧石徑封蒼蘚溪雲暗綠藤
禪心松外月端坐佛前燈應笑儒冠誤歸歟苦未能

次權可遠詩韻送李翰林

行歸覲

按李行號騎牛子官大提

學

時節當搖落親朋苦別離孤鴻牽遠興匹馬向東歸
魚稻供鄉味江山綴小詩遙知獻壽酒喜氣滿庭闈

又

贈君詩語苦臨別不堪吟書劍遠遊客乾坤歲暮心
路長黃葉下鄉近白雲深獨立離亭畔秋天易夕陰

次民望韻送朴生

按民望廉廷秀字號萱庭

以我未歸客送君還故鄉詩成添舊草錢盡但空囊
野飯新炊軟村醪夜酌香風霜行漸逼中路莫彷徨

挽尹典書

文焰高萬丈歛之一木空士林憔悴去吾道寂寥中

有子猶不死得官未全竈青門來哭處丹旄拂悲風

遊山寺

霧重成微雨山寒五月天林溪數間屋僧住十餘年
北壁玉燈火西方金色僊整襟相對越自覺思超然

中秋歌

以下四首
錦南雜詠

歲歲中秋月今宵最可憐一天風露寂萬里海山連
故國應同見渾家想未眠誰知相憶意兩地各茫然

信長老以古印社主命來惠白粲臨別贈詩

山林秋日暮有客扣柴荆袖裏華牋出囊中白粲精
殷勤故人意漂泊異鄉行一飯身堪殺千金報亦輕

咸公樓上飲酒

去國身千里逢君笑一場樓高臨曠野溪近領微涼
逸興題詩句狂歌倒酒觴卽今登眺意不覺在佗鄉
偶題玄生員書齋壁上用唐人韻

君家庭院好松竹也成林風氣向來別溪山如許淡
曉痕渾似水暝色易生陰自是閉關者猶歌梁甫吟

登湧珍寺克復樓

按寺在羅州湧珍山
無說上人作樓記

曾讀山人記思登克復樓試尋苔徑細來入洞門幽
古木千章秀溪溪八月秋灑然滌煩慮聊可此淹留

送覺峯上人

萬里攜孤錫三年著一衣碧山今日去芳草幾時歸
出定晨鳴磬來詩畫叩扉臨歧更攜手卽此是相違

次湛上人詩韻贈竹牕李寺丞

按李寺丞
卽彥暢

愧我謫居久煩君特地來茅齋終日坐柴戶此時開
作客還多難爲儒且不才挑燈一夜話畢竟豁塵懷

玄生員書齋

按用
前韻

對僧終日話太半是泉林歲久鄉音變春來酒病淡
愛山開竹徑步月立松陰爲遣蒼茫興聊將舊句吟

題羅州東樓

丙辰

二年炎瘴地千里錦江城去國身如寄登樓眼暫明

征雲向暮起，謫客此時情。風景長沙近，自慚非賈生。

安南途中遇雪

按安南全州別號

日暮安南府，風寒雪滿衣。路歧行欲沒，村樹近還微。來往三年過，乘除萬事非。何時行役了，簑笠上漁磯。

交州道按廉使河公崙復命如京原州使君

長壽

邀子同餞，不赴以詩代之。

按戊午後往來榮堤時作

河侯清似玉，瀟灑一儒僊。意氣朝天去，風流自此傳。官橋藍作水，驛路柳飛綿。相送定何處，煩君誦此篇。

寄金副令寓居忠州山寺

俱是清寒者，同爲羈旅人。著書山寺靜，行役路岐塵。

一室無餘物三年尚病身尊前當握手相憶莫霑巾

順興南亭別河大司成還京

異縣分離處長亭日暮時浮雲行共遠遊子向何之
語苦詩難就尊空坐屢移秋天易淒凜好去慰相思

順興府使座上賦詩

路長山有雪村暝水生煙乘興尋安道吟詩似浩然
別離三載外談笑一尊前此曲難堪聽蒼茫歲暮天

聞金若齋在安東以詩寄之

按丁巳冬公往原州

滄海指會津三年別平原原州別號一笑同風塵將歲晚天
地盡途窮苦句難成讀淡情默自通襄陽有山簡共

醉習池中

按後人評曰體泉郡亦號襄陽安東傍郡也當時必有親友為其守地名偶同故借

川山簡事

若齋旅寓

有客來南邑。僑居傍古城。殘山茅店小。斜日紙牕明。
杯酌黃金嫩。盤餐白粲精。嘉魚鄰舍惠。好客主人情。

安東鄉校閱金堂後詩卷書其末

雨雪歲將晚。風塵浩未收。故人京國遠。久客異鄉遊。
相對忽青眼。悲歌堪白頭。袖中詩幾首。聊得慰淹留。

避寇

按庚申自榮州避倭寇

避寇離吾土。攜家走異鄉。荆榛行自蔽。桑梓耿難忘。

世險憐

一本作鄰

兒少家貧仗友良。乾坤空自潤獨立興。

蒼茫

山中二首

按自榮州避寇還三峯舊居

山中新病起。穉子道衰容。學圃親鋤藥。移家手種松。暮鐘何處寺。野火隔林春。領得幽居味。年來萬事慵。

又

弊業三峯下。歸來松桂秋。家貧妨養疾。心靜足忘憂。護竹開迂徑。憐山起小樓。鄰僧來問字。按後人評曰。盡日為相畱。

秋霖

秋霖人自絕柴戶不會開籬落堆紅葉庭除長綠苔
身寒相並宿鴈濕遠飛來寂寞悲吾道唯應漉酒杯

村居

村居儘幽絕未見外人來病葉霜前落黃花雨後開
看書從散帙有酒自傾杯不是忘機事冥心久已灰

移家

公講書于三峯齋四方學者多從之時鄉人之爲宰相者惡之撤齋屋公率諸生往

依富平府使鄭義居府之南村故宰相王某欲以其地爲別業又撤去齋屋公又移金浦

戊○壬

五年三卜宅今歲又移居野澗團茅小山長古木疎
耕人相問姓故友絕來書天地能容我飄飄任所如

立春日次陶隱詩韻

東郊猶臘雪，又是一年初。
菜得嘗新味，符將換舊書。
壯心隨日減，狂態與時疎。
聊用題詩句，幽懷向子摠。
雪

季冬初見雪，著瓦曉痕新。
淺草纔藏葉，中庭得掩塵。
隨風飄易散，遇垤乍相因。
農務知何似，東臯近立春。

宿原堂寺

時公還金浦

古寺何年構，殘僧寄此生。
石峯危欲墜，樵徑細難行。
松雪晴猶落，苔扉晝尚傾。
禪牕報初日，山下午雞鳴。

、原日

三
今日是原日新年非舊年
宗朝風送雪向午雨連天
氛祲靈臺望災祥古老傳
羣公勤燮理端合醉陶然

春風

春風如遠客一歲一相逢
澹蕩原無定悠揚似有蹤
暗添花豔嫩輕拂柳絲重
獨惜吟詩客還非昔日容
雲

浮雲多變態舒卷也飄然
閒繞遙岑上纖籠淡月邊
迢迢風共遠漠漠雨相連
亦解尋逋客朝來入洞天

雨

雨聲偏好處茅屋午眠中
亂灑侵寒浦斜飛逐細風

折低含曉翠花重濕鮮紅田父笑相對家家望歲功

新亭

新亭臨曠野野外抱長川島岬最溪樹人眠正午天
峯巒屏自擁畦畛繡相連幽興向來極呼兒鑿石泉

詠雪次道村詩韻

縱橫隨處滿輕薄被風移縞色梅邊眩寒聲竹外知
牕明書可讀廚冷玉難炊乘興欲相訪何煩勞夢思

旅順口驛中秋

奉使雜錄
甲子秋

月是經年見人將萬里行相隨客路遠却勝別宵明
碧海兼天潤銀河共露清蓬牕坐來久偏起故園情

贈山東都司

四海同文日三韓入貢秋相逢盡英俊高揖慰淹留
鍾阜連天起龍江繞郭流謝公題詠處眞箇帝王州

入成均館

時公以前司藝
爲教官○乙丑

十年重到此門外尚盤桓猶是舊司藝今爲新教官
齋居閉風雨廟貌肖衣冠獨愛後祠樹中庭過歲寒

送鄭正郎之任古阜

昔我謫滄海夫君在玉京歸來十年阻漂渺一麾行
日夕吹炎瘴東南鬪甲兵臨歧相送罷回首若爲情

送鄭副令洪山按慶尚

萬古雞林碧風流代有人星軺辭白日玉節映青春
交契通家舊離愁此地新龜山桑梓邑

按龜山榮川山名卽公墳

鄉爲我訪遺民

古巖道人故先生崔兵部之弟也予遊先生門
受業時巖尚讀書先生卒與巖別二十餘年見
於陶隱齋乃祝髮爲浮屠也感歎久之因書其
詩卷焉

伯氏斯文秀微言共爾聞別來經歲紀那料入空門
慕古巖爲號居今世不羣此行何日返有僂問溫存
伏蒙國子典簿周先生倬惠筆謹賦五言八句

爲謝乙丑秋

名自吳興重先生得一枝臨池傳妙訣落紙有新詩
夢見才猶進分來喜可知此心何日忘長向手中持

戲和宗之見示詩韻

周倬

遠頌天府籍職近上林枝最愛生花筆堪憐伐木
詩斯文猶邂逅交契遂相知將意殷勤處霜毫爲
捧持

送崔副使擢第還鄉

鄉居近蓬島人物似神僊綠野懸車久金門射策先
錦衣仍綵服壽酒且賓筵崔鄭通家契臨歧贈一篇

送黃摠郎按楊廣道

身行天下半名重海東偏
仗節向何去登車增慨然
嗟予學已廢老矣病難痊
藥料并書卷煩君一一傳

送李摠郎按慶尚道

李侯當代傑登此范滂車
五道嶺南最千年羅代餘
地靈饒藥物板刻富文書
儒士本多病題封寄草廬

送李佐郎按交州道

郎官美如玉山水亦清奇
鄉校文風盛坤珍藥草宜
老夫思理病小子學吟詩
若也蒙分惠幽居喜可知

挽判門下曹相國舅姑

結髮為夫婦相將八十秋九泉雙劍化萬事一時休
共殯都門外同歸古壙頭乘龍是上相身外更何憂

挽尹密直

可觀○按恭隱時尹可觀與洪倫等
晤待王左右令通益妃可觀以死固

拒王大怒棒之廢為庶人後為慶尚道副元
帥禦倭寇置船卒開屯田多遺愛公詩所謂

皓日照丹心南州
惠愛溪蓋指此也

芳年直紫禁皓日照丹心古府樞機密南州惠愛溪
山頽安所仰天遠固難堪忍看埋玉樹苦淚倍霑襟

哭崔判書

中年方宦達一夕忽長辭謾哭巨卿友曾無伯道兒
銘旋風自引蕙帳月空垂送罷都門曉堂堂何所之

哭權侍中

按權侍中名
臯號誠齋

望高元老行位接待中班蟬冕清風遠華堂白日閒

儀刑餘几杖寂寞向丘山來送

曉

按舊本作來
送清風曉而

清風二字
疊入必誤相逢盡慘顏

次人送別詩韻

辛未冬公貶于奉
化再貶于羅州

北望行行遠南來步步遲如何在流落復此見分離
世事隨時變人情逐物移相逢如問我多病廢吟詩

次黃州板上詩

按壬申冬
朝京時

征人易多感景物亦關情村

一本
作林

樹浮煙氣巖松帶

晚晴路長緣曠野山斷見孤城王事何時了拂衣歸

舊耕

旅順口用前韻賦呈徐指揮

按徐指揮名顯

九年三到此萬里一身行驛路山光遠蓬牕海色明
遐方修歲貢盛一本作聖代致時清再下陳蕃榻從容話
舊情

古亭驛

同雲濃似墨飛雪白於綿故國三千里浮生一百年
吟詩無好句覓酒罄遺錢客裏多情況郵亭得暫眠

登州待風

高閣臨青嶠洪濤接遠空沙痕間湖水雲氣占天風

客路春將半鄉關日出東何當好歸去尊酒故人同
邀諸道觀察使于三峯齋尚州牧使亦在席上

乙亥

君王憂外寄分命皆豪英杖節重風采鳴琴興頌聲
何以宣上德要當安民生舉杯祝遠大更奈離別情

七言律詩

日暮

以下三首錦南
雜詠○丁巳

水色山光淡似煙羈情日暮倍悽然蓬蒿掩翳村墟
合籬落欹斜地勢偏遠燒無人延野外傳烽何處照
雲邊但看暮暮還如此不覺流光過二年

草舍

按草舍在會
津消災洞

茅茨不剪亂交加。築土爲階面勢斜。
棲鳥聖知來宿處。野人驚問是誰家。
青溪窈窕緣門過。碧樹玲瓏向戶遮。
出見江山如絕域。閉門還似舊生涯。

金直長

彌來示可遠詩次韻

出處窮通事事休。謫來南國亦清遊。
雲橫北極幾千里。瘴盡西風八月秋。
身世長浮還作客。江山如此獨登樓。
故人詩句雙金重。一讀都忘萬斛愁。

逢春

錦城山下又逢春。轉覺今年物象新。
風入柳條吹作

眼雨催花意濕成
津水邊草色迷還
有燒後蕪痕斷
復因可惜飄零南
竄客心如枯木沒
精神

偶題

零落唯餘方寸心
年來憂患又相尋
冬寒冽冽風霜苦
春暖昏昏瘴霧深
山上豺狼長怒吼
海中寇賊便凌侵
思歸却是閒中事
一夜安眠直萬金

原城同金若齋見按廉使河公嵩牧使僕公長

壽賦之

丁巳冬○按原城今原州

別離三載始相逢
往事悠悠似夢中
毀譽是非身尚在
悲歡出處道還同

按時公歸自會津謫所後人評曰此二句詞意融渾咀嚮有餘

味先盡前古騷人風塵未息書生病歲月如流志士
遷謫中酸苦之語

窮忍向尊前歌此曲明朝分手又西東

早行

月落參橫欲曙天飛霜如雪濟冰堅行穿林莽疎還
密望盡雲峯斷復連擾擾身前多謬計悠悠馬上帶
殘眠一年四過揚川水不待陳蹤却惘然

次安邊樓韻

按安邊駕鶴樓有李侍中子松題詩故公詩有上相登臨之語○甲

子夏公赴咸州時

上相登臨駕鶴樓眼明詩句壁間畱江山信美非吾
土歲月無情逐水流遙望星辰高北極遠遊鞍馬記

前秋一身萬里倦行役徙倚欄干得暫休

上遼東都司經歷都事兩先生

甲子秋。按經歷都事俱姓王。

兩名未詳

澄澄秋水映紅蓮玉潔陽和幕客賢高臥帳中多勝
筌閒吟月下有新篇風流落帽孟司馬慷慨登樓王
仲宣莫道小生無所用從君直欲勒燕然

渤海舟中次鄭評理

夢周韻

衆帆浦口一時張回首蓬萊失渺茫浪勢正高風更
急月華初上夜何涼可憐歸路尚千里且問此生餘
幾霜島過嗚呼思往事水光雲影揔堪傷

范光湖

水程終日曳官船無數人家傍岸邊過盡長亭仍曠
野望來疊浪接高天身衰裏裏長畱藥客久囊中易
罄錢些少功名何日了白雲深處對山眠

太平館席上次國子學錄張先生

溥韻乙丑秋

國子先生養道精文華殿裏荷恩榮星河八月僊槎
遠洙泗千年聖學明玉節映將晴昊迥烏紗吹着曉
風輕欲知睿澤霑遐邇蒼海無波鏡面清

宣仁館席上次韻錄呈國子典簿周先生

倬

煌煌玉節照晴坡過了長亭又渡河秋氣正高紅樹

遠曉雲初卷碧山多星槎共泛張公子銅柱應輕馬
伏波白雪從來難得和愧將巴里向君歌

題仁州申使君林亭

古郡蕭條傍海山來尋陶令共怡顏爲攀涼樹穿林
下忽有幽花翳草間吏退訟庭還寂寂鳥臨書幌自
關關彈琴也是縈心事獨坐新亭白日閒

挽李密直

彰路

憶曾受業金齋門獨立當時亦有聞積善盡知餘慶
在老成雖遠典刑存金尊美酒春長滿玉子紋楸日
又曛

按後人評曰李必以甚酒自娛者

最恨難將仙掌露一杯救得

病文園

按後人評曰司馬相如為文園令有消渴疾李必病渴

萊州城南驛次監生宋

尚忠

詩韻

按庚午朝天時

行人臨發更徘徊心緒悠悠未易裁家遠夢魂歸不得客遊笑口向誰開秋風颯至中宵冷月色相隨萬里來才罷一尊南北阻雲林慘淡忽生哀

次韻題日本茂上人詩卷

庚午公使還居開京時○按時日本僧永

茂來住石房寺

一葉扁舟萬里行石房二載住開城人來問法揚桴見客至敲門合掌迎念起心源還自寂道高骨格不勝清五臺何處尋師去認聽鐘聲半夜鳴

按永茂欲遊五臺山

光州節制樓板上次韻

按壬申春公謫光州時

使君來此暫遲留遺愛南方數十州
謝眺高吟山色好庾公清興月波流
京都縹緲白雲北城郭峒嵒蒼海頭
謫客登臨無限意遂聲寥亮起危樓

安州江上次李散騎韻

癸酉春

使華將發東方明駟騎如飛道路平
北去山川飄朔雪東來花柳弄春晴
安州江上一杯酒遼海天邊萬里程
自笑浮生能幾許九年三度此中行

鐵原東軒

按丁丑十二月公為東北都巡撫使赴孔州時

今到昌原說孔州

按昌原鐵原別號孔州慶源舊號

山川遼遠使人

愁百年身世浮如夢一片襟懷冷似秋國破雲煙猶
慘慘城空歲月自悠悠為緣王事念念去投紱佗時
會再遊

詞

江之水詞

朝鮮門下侍郎三宰先生所作也先

阻漢辛勤來歸與同行盧同知趙副福及開

城尹李公平壤尹趙公泛舟于大同江先生

酒半酣觀覽山川之勝風景之美慨然興感

於是賦江之水詞以自見其志焉○按此小

序疑即漢山君趙仁沃所

江之水兮悠悠泛蘭舟兮橫中流高管噉噪兮歌聲
發寶宴與兮獻酬或躍兮錦鯉飛來兮白鷗煙沉沉

兮極浦草萋萋兮芳洲覽時物以自娛兮
寒念歸兮夷猶景忽忽兮西馳兮水沄沄
兮逝不留會歡樂之未幾兮隱予心兮懷
憂嗟哉盛年不再至兮老將及兮夫焉求
軒冕兮儻來富貴兮雲浮惟君子所重者
義兮名萬古與千秋舉一杯以相屬兮庶
有企兮前修

次韻

按公使還日作江之水詞鏤揭大同江樓公之曾孫文炯按節箕甸時次韻仍

並揭

江之水兮悠悠亘萬古兮長流我祖兮有辭調高
千載兮無人酬古今兮明月浩蕩兮江鷗麟馬去

三
今雲窟鸚鵡歸兮芳洲想天孫兮既遠撫往事兮
夷猶江山兮如昨悲逝波兮不畱始感時兮興歎
終重義兮忘憂孰非善而可樂孰非義而可求彼
死生之往來兮羌若休而若浮惟文章道義之不
泯兮垂令譽兮幾秋誦斯語於後世兮期世世而
增修

樂章

納氏曲

癸丑春納哈出寇我東北鄙
我太祖以銳師擊走之

納氏恃雄強入寇東北方縱傲夸以力鋒銳

按舊本
銳下有

羅字誤
今刪正不可當我后信勇奇挺身衝心胷一射斃

偏裨再射及魁戎裹瘡不暇救追奔星火馳猿聲固
可畏鶴唳亦可疑卓矣莫敢當東北永無虞功成在
此舉垂之千萬秋

窮獸奔

庚申秋我大破之自是不敢登陸

太祖邀擊倭寇于智異山作耗民賴以安

有窮者獸奔于殫殲我師覆之左右離披或殲或獲
或走或匿死者粉糜生者褫魄不崇一朝廓以清明
奏凱而還東民以寧

靖東方曲

戊辰春禍大舉攻遼我太祖以右軍將諭諸將以義回軍

繫東方阻海陸彼狡童竊天機爲東王德盛多里利
肆狂謀興戎師禍之極靖者誰爲東王德盛多里利

天尚德回義旗罪其黜逆其夷爲東王德盛多里利
皇乃愴覃天施軍以國俾我知爲東王德盛多里利
於民社有攸歸千萬歲傳無期爲東王德盛多里利

文德曲

并序○癸酉七月下同

殿下初卽位立經陳紀與民更始可頌者多矣
舉其大者作開言路保功臣正經界定禮樂
其詞曰

法宮有儼深九重一日萬機紛其叢 君王要得民
情通大開言路達四聰開言路臣所見我 后之德
與舜同

聖人受命乘飛龍多士競起如雲從協謀效力成厥
功誓以山河保始終保功臣臣所見我 后之德垂
無窮

經界毀矣久不修強并弱削相魚然我 后正之期
甫周倉廩充富民息休正經界臣所見烝哉樂豈享
千秋

爲政之要在禮樂近自閨門達邦國我 后定之垂
典則秩然以序和以愷定禮樂臣所見功成治定配
無極

夢金尺 并序

殿下在潛邸夢神人奉金尺自天而來告曰慶

侍中

復興

有清德且老矣崔三司

瑩

有直名然

驚也謂

殿下資兼文武有德有識民望屬

焉乃以金尺授之

惟皇鑑之孔明兮言夢協于金尺清者老矣兮直其
驚繫有德焉是適帝用度吾心兮俾均齊乎家國貞
哉厥符兮受命之祥傳子及孫兮彌于千億

受寶錄

并序

殿下在潛邸有人得異書於智異山石壁申以
獻後十數年其言果驗

彼高矣山石與天齊子以剖之得之異書桓桓木
子乘時而作誰其輔之走肖其德非衣君子來自金
城三奠三邑贊而成之奠于神都傳祚八百我龍受
之曰惟寶籙按石壁中書曰木子乘猪下復正三韓境秘書曰木子將軍劍走肖大夫筆非
衣君子智復正三韓格走肖謂趙浚非衣謂裴克廉
又曰三奠三邑應滅三韓謂公及鄭摠鄭熙啓也又
曰朝鮮小世八
百卜年八千

致語

夢金尺受寶籙通用

進時口號

奉貞符之靈異美盛德之形容冀借優容式孚宴譽


退時口號


三峯集
樂既奏於九成壽庸獻於萬歲未及歡娛之極遽懷
儆戒之心拜辭而歸式燕以處

夢金尺中腔詞

聖人有作萬物皆覩靈瑞繽紛諸福畢至長言不足
式歌且舞於樂於論 君王萬壽

三峯集卷之二





華

經

卷

一